

畢竟空

無前後空（無始空）

不捨離空（散空）

菩薩修學此定止，為功德善根無盡。

何以故

一切諸佛於無餘涅槃中。亦不捨功德善根門。

有流果報已盡，功德善根本為化物故，恒有此用。

如來雖入涅槃，猶隨眾生機緣，現應化兩身，導利含識，即是更起心義。

故眾生不盡，應化之用亦不盡，故言雖入無餘，而不捨功德善根也。

若二乘入滅，無更起心，以慈悲薄少，不化眾生。

若佛入無餘，而更起心者。

以諸佛菩薩三身利物無窮故。

如來法身即是一切無流法之依處，故言：散滅不捨離功德也。

所以得知：涅槃之中猶有法身者。

以用終體。

既觀應化之用不盡，故知此身之體，常自湛然，永無遷壞。

如毘婆沙師說：無涅槃，無有自相，而不可言無。

何以故？為能顯事用故。

若不依涅槃，不成智慧。智慧不成，則煩惱不滅。

涅槃既能生道，道能滅惑，即是涅槃家事。

既見有事，則知應有體，不得言無也。

如來法身在涅槃中。即義亦爾。

待
續